

## Pol nember tup nal lenge Filipai

<sup>1</sup> Nam Pol topo e Timoti, poi hindi miye wah tikin Jisas Kraiss. Poi member tup e e malme yip lenge miye tuweinge tikin Got naiye yarp yoto Filipai, topo e lenge miye embep, topo e lenge miye wah tikin sios.

<sup>2</sup> Nioih mi mi topo e noihmbwaip numwaiye tikin Yai Got poi topo e Lahmborenge Jisas Kraiss sai topo me yip.

### *Pol misilihme Got me lenge Filipai*

<sup>3</sup> Nupe naiye nam noiheryembe yip pe, nam manange wusyep risukwarne Got.

<sup>4</sup> Ta e luku pe, nye nyermbe nam hriphrip pe, nam manange wusyep misilihme Got naiye ka ungwisme yip.

<sup>5</sup> Nam hriphrip me yip nembere sekete. De-tale, yip wah ilyeh nam pe, yip yungwisme nam nendehiyeh nupe naiye nam manange malanjatme wusyep bwore mise tikin Kraiss malme yip nate tatame tukwini.

<sup>6</sup> Got kin nende wah bwore nato yip. Ta e luku pe, nam si sisysteme naiye kin ka ende wah uku el tutume naiye Jisas Kraiss ka plihe ot pe, ka mi e ko.

<sup>7</sup> Yip lalme yotop nam yarp ya yoto noihginir tikin Got, topo e yip yungwisme nam tukwini nupe naiye nam marp mwahupwai e, topo e somohonme nupe naiye nam marp ma tas wicher no, nam manange

malaŋatme topo e mere lem tatme wusyep mise tikin Got. Ta e luku pe, ki bwore ŋaiye ŋoihmbwaip ŋam kin tahai me yip supule.

<sup>8</sup> Got kin sisyeme ŋaiye ŋam masande ma meteke yip. Ŋam mende nihararme yip lalme ŋahilyeh ta e Kraiŋ Jisas ŋaiye ŋende nihararme yip.

<sup>9</sup> Le e ŋisilih ŋam nalme Got ŋaiye ka ungwisme ŋoihmbwaip yip ŋaiye pa yende nihararme lenge mitiŋ pe, ka si ŋembere sekete e oto ŋoihmbwaip yip. Pe yip pa yamba e sande teke e, topo e pa sisyeme yaŋah ŋaiye bwore bwarme.

<sup>10</sup> Ta e luku pe, pa se yeteke e yoworme ŋaimune ŋaiye bwore mi supule topo e pupwa. Pe ŋoihmbwaip yip ka bwore bwarme no, yip pa bwore mi supule pe, ka si e tutume ŋupe ŋaiye Kraiŋ ka ot.

<sup>11</sup> Ta e luku pe, Kraiŋ ka ungwisme yip ŋaiye pa yende ŋai e ŋai e bwore bwore yaŋa e naŋ embere topo e yahra e naŋ tikin Got.

*Mane tikin Pol kin nungwisme wusyep bwore mise*

<sup>12</sup> Lenge to tatai ŋam, ŋam masande ŋaiye yip pa sisyeme tu e le e, mane luku ŋaiye natme ŋam pe, yukur kin nupwai e wusyep mise, pakai. Kin nungwisme ŋaiye ka eŋel e wusyep mise tikin Lahmborenge enge el.

<sup>13</sup> Lenge kokorohtup titinge Rom, topo e lenge mitiŋ lalme tinge sisyeme tehei ŋaiye ŋam marp mwahupwai e. Detale, ŋam manange malaŋatme wusyep bwore mise tikin Kraiŋ.

14 Lenge Kristen miye tuweinge tinge ɲoiheriyembe nange ɲam marp mwahupwai e pe, ki ɲende bongolme ɲoihmbwaip tinge ɲaiye teɲeime Krai pe, tinge yukur hi jarngɛ ɲaiye ka yalaɲatme wusyep mise tikin Krai.

15 Mise, lengɛ mitiɲ sye yalaɲatme wusyep tikin Krai. Detale, tinge yeteke e lengɛ miye sye ɲaiye yurume ɲam pe, tinge ɲoihmbwaip nihme ɲam, topo e tinge ɲoihmbwaip wondohe. Kut sye pe, tinge yalaɲatme wusyep bwore tikin Krai jande ɲoihmbwaip bwore.

16 Tinge yende nihararme ɲam pe, tinge yalaɲatme wusyep, topo e tinge sisyeme nange Got si pwale ɲam wah ɲaiye ma gwin bongole mere lem mende bongolme wusyep mise kin uku.

17 Kom lengɛ miye sye yalaɲatme wusyep tikin Krai, nange ka yamba e naɲ embere. Pe tinge de ka yeɲel e mande sye yi yunuh hla ɲupe ɲaiye ɲam marp mwahupwai e.

18 Kom ɲam yukur gwonose ɲaiye tinge yende hwap me ɲam. Mitiɲ sye yalaɲatme wusyep ɲaiye yaɲa e naɲ embere yalme Krai, kut mitiɲ sye yalaɲatme wusyep ɲaiye yahra e naɲ tititinge. ɲai embere kin ɲaiye ɲam masande pe, ka yalaɲatme wusyep mise tikin Krai.

*Pol kin ɲoiheriyembe nange ka orp laip no, ka ungwisme lengɛ Filipai*

19 Pe ɲam ma hriphrip. Yip lalme yisilihme Got ɲaiye ka ungwisme ɲam pe, yipihinge tikin Jisas Krai nungwisme ɲam. Ta e luku pe, ɲam sisyeme nange ma musme mwahupwai e mi tus pe, luku

ka ende bongolme yipihinge nam naiye ma murp bwore.

<sup>20</sup> Niohmbwaip nembere nam pe, nam gwarngge naiye ma mende nainde pupwa no, ma mamba e hi e. Ma gwin bongole mende nai e nai e bwore maṅa e naṅ embere milme Kraiṣ ta e naiye somohon nam mende. Nam de ma mende nai e nai e bwore luku milme Kraiṣ no, ma murp, lakai ma mule.

<sup>21</sup> Naiye nioiheryembe nam pe, naiye teter ma murp bepmune pe, nam de ma murp topo e Kraiṣ. O naiye ma mule pe, nam de ma mamba e nai e nai e bwore bwore ka engelyembe laip e e naiye tukwini nam marp.

<sup>22</sup> Naiye teter ma murp laip pe, nam ma mende wah me Kraiṣ naiye ka ungwisme lenge miye tuweinge wula wula. Kom ma gunde yaṅah mune?

<sup>23</sup> Nam nioiheryembe hoi hoi pe, nam de ma musme yaṅah e e naiye tukwini nam marp, kut ma mil murp topo e Kraiṣ. Luku ka bwore supule.

<sup>24</sup> Kom ki bwore naiye ma murp laip no, ma mende bongolme bilip yip.

<sup>25</sup> Nam si sisyeme nai uku pe, nam nioiheryembe naiye se ma murp motop yip. Ma mungwisme yip naiye niohmbwaip yip ka teṅei bongol me Kraiṣ no, pa yurp hriphrip yi yoto kin.

<sup>26</sup> Nupe naiye ma muta meteke yip pe, se pa hriphrip me nam pe, pa yahra e naṅ tikiṅ Kraiṣ Jisas.

*Got nioh mi mi lenge Filipai naiye tinge siyamba e nihe syohme Kraiṣ*

<sup>27</sup> Noheryembe bworerme njupe naiye pa yurp junde yanjah naiye yanja e nanj embere yilme wusyep mise tikin Krai. Naiye ma mut, lakai yukur ma mut pe, nam masande naiye pa jin bongole yende nai e nai e bwore bwore topo e noihmbwaip ilyeh. Topo e yip pa jin burumbur yurmba yende bongol naiye noihmbwaip lenge miye tuweinge ka tejeime wusyep mise.

<sup>28</sup> Topo e yip yukur pa hi jirnge me lahmende naiye ka yende wachaihme yip. Pa jin bongole nye nyermbe no, luku ka asamb lenge nange tinge ka talai, kut yip pa yohe. Detale, Got kin nungwisme yip naiye pa yurp laip nye nyermbe.

<sup>29</sup> Got kin nende mi mi me yip naiye noihmbwaip yip tejeime Krai no, yip yamba e nihe syohme Krai.

<sup>30</sup> Ta e luku pe, tukwini poi lalme marp ma moto yarmbe ta e naiye somohon yip lalme yeteke e nam ilyeh marmbe. Yip sisysteme nange nam teter marp ma moto bumbe me marmbe.

## 2

*Ya murp noihmbwaip ilyeh, topo e ya mikirh mane lenge mitinj lalme*

<sup>1</sup> Krai si nende bongolme yip, topo e kin si nende nihararme yip, topo e yip yikirh mane lenge mitinj sye. Yip lalme jahilyeh yarp yoto Yohe Yirise. Topo e Krai noihginirme yip.

<sup>2</sup> Ta e luku pe, nam misilih yip naiye pa lalme noihmbwaip ilyeh, topo e pa junde yanjah naiye yende niharar lenge mitinj, topo e yip pa

ñoiheryembe ilyeh. Njaiye pa yende tu e luku pe, ka ende ñam ma hriphrip ñembere.

<sup>3</sup> Njupe ñaiye pa yende ñai e ñai e pe, yukur pa ñoiheryembe yip tip, topo e yahra e nan yip tip, na pakai. Pa syumbe yurp ñumwaiye yi yoto tuwihe yahra e nan lenge mitiñ.

<sup>4</sup> Prepwan ñaiye pa ñoiheryembe laip yiptip ilyehme. Kut ñoiheryembe laip lenge mitiñ topo e.

*Pa tule yip tip tu e Krai*

<sup>5</sup> Nñoimbwaip yip ka ñahilyeh tu e Jisas Krai.

<sup>6</sup> Krai kin ñahilyeh ta e Got.

Kom kin yukur ñututus lenge ñaiye ka yaña e nan embere

yilme kin ñahilyeh tu e Got ñaiye namba e.

<sup>7</sup> Kut kin nasme ñai e ñai e bwore bwore luku pe, kin nate gah ta e ñaiye miye wah pakaiye, topo e ñahilyeh ta e ñaiye miye kekep.

<sup>8</sup> Ki tale kitikin narp ñumwaiye ñasande wusyep Got ñaiye ka ole tu e ñaiye miye endei nule nal loutungwarmbe.

<sup>9</sup> Ta e luku pe, Got ñahra e kin nenge nanah luh ñaiye nanah hla pe, kin naña e nan embere nanah hla ñaiye tahar e nan lalme.

<sup>10</sup> Topo e nato nan Jisas pe, lenge mitiñ lalme ñaiye yarp ya yanah moihla , gah kekep, topo e ñaiye yarp moi lenge miye tuweinge ñaiye si yule ka yasar e ñimbep me kin.

<sup>11</sup> Mut lalme tinge ka yahra e yininge nange Jisas Krai kin Lahmborenge, topo e tinge ka yaña e nan embere yilme Yai Got.

*Poi ya murp tu e yirise ηaiye nanar e nal lenge miye tuweinge*

<sup>12</sup> Ta e luku pe, lenge ηemei ηam, ηahilyeh ηaiye nye nyermbe yip jande wusyep ηam ηaiye ηam marp motop yip pe, ki bwore ηaiye tukwini pa junde wusyep ηam, ηupe ηaiye ηam marp wohme yip. Tule yip tip yurp tuwihme Got pe, pa yisyunde wusyep Got. Yip pa ηoiheryembe bworerme, topo e pa yende wah nihe ηaiye pa yamba e laip bwore ηaiye pa yurp nye nyermbe.

<sup>13</sup> Hei, Got ηende wah nato ηoihmbwaip mele e yip pe, kin ηahra e ηoihmbwaip yip, ηaiye pa yende ηai e ηai e junde ηasande kin. Ta e luku pe, se ka yul yip bongol ηaiye pa yende ηai uku.

<sup>14</sup> Naimune ηaiye pa yende pe, pa syumbe yurp ηumwaiye. Yukur pa yininge wusyep sekete, topo e ηaiye pa yonombe teketenge.

<sup>15</sup> Nainde pupwa yukur ka si e oto yip, pakai. Yip pa yurp talah bwore bwarme tikin Got. Pe pa yende ηai e ηai e bwore juh bumbe me lenge miye tuweinge pupwa ηaiye si ηoihsipe ηoiheryembe bwore. Yip pa yanar e tu e nowas ηaiye nanar e nal e nal e kekep ηaiye yepelmbe sekete.

<sup>16</sup> Ta e luku pe, yip pa yini lenge wusyep ηaiye Got tatame ka ungwis lenge ka yurp nye nyermbe. Naiye pa yende tu e luku pe, ηam se ma hriphrip me yip dindi ηup tikin Krai ηaiye ka ot. Luku ka sasambe nange wah nihe ηam yukur nal luh paka pakaiye.

<sup>17</sup> Naiye lenge Rom ka pumbe ma mule no, wim ηam ka turu e tus pe, ka tu e ηaiye lenge pris yuru e pinip wain ηupe ηaiye tinge yende ofa yalme Got,

topo e ɲoihmbwaip yip ɲaiye teɲeime Kraiss bongol, ki ta e ɲaiye ofa yip yende yalme Got, kom ma hriphrip topo me yip.

<sup>18</sup> Ta e luku pe, ɲai uku ɲaiye ka ot pe, prepwan ɲaiye pa ɲoihmbwaip mane. Pa hriphrip topo me ɲam.

*Pol ɲanange ɲaiye ka ember Timoti el Filipai*

<sup>19</sup> ɲaiye ɲasande tiki Lahmborenge Jisas pe, sehei woh ma member Timoti ka otme yip. Ta e luku pe, ɲupe ɲaiye ka plihe enge wusyep ote ini ɲam me yarp yip pe, luku ka ende bongolme ɲam.

<sup>20</sup> Yukur miye ende ɲoihginirme yip, topo e ɲende nihararme yip ta e Timoti.

<sup>21</sup> Lenge mitiɲ lalme tinge ɲoiheryembe ɲaiye ka yende ɲai e ɲai e tititinge ilyeh ilyeh tongonose, kut yukur tinge ɲoiheryembe ɲaimune ɲaiye Jisas Kraiss ɲasande.

<sup>22</sup> Topo e yip lalme si sisysteme wah bwore ɲaiye Timoti ɲende nungwisme ɲam ɲaiye ɲam malaɲatme wusyep bwore mise. Bwore mise, kin nungwisme ɲam ta e ɲaiye talah nungwisme yai kin.

<sup>23</sup> ɲam de ma member kin ka ot me yip hihwaiye, ɲupe ɲaiye ma musyunde ɲaimune ɲaiye lenge miye embep Rom ka yende me ɲam.

<sup>24</sup> Topo e ɲoihmbwaip ɲam teɲeime Lahmborenge bongol pe, ka se ende ɲahwikin ɲaiye ma muta meteke yip hihwaiye.

*Pol ɲanange nange ka ember Epafroditus el Filipai*

<sup>25</sup> ɲam da member Epafroditus ka plihe elme yip. Kin to poi, topo e wah ilyeh poi, topo e miye



yaŋam ŋam ŋaiye poi hindi mende wah ta e miye wondoh tikin Got. Pe yip yember kin nat ŋaiye ka ungwisme ŋam.

<sup>26</sup> Kin ŋasande tikin ŋaiye ka eteke e yip lalme, topo e kin garnge ŋaiye pa yusyunde nange kin ŋende wahri epwa.

<sup>27</sup> Kin ŋende wahri epwa ŋembere pe, sehei kin de ka ole, kom Got ŋoihginirme kin pe, kin nungwisme kin. Ta e luku pe, ŋam hriphrip. Detale, yukur kin plihe pwale ŋoihmbwaip mane nanah hla.

<sup>28</sup> Ta e pe, ŋam masande tikin ŋaiye ma member kin ka ot me yip no, yip pa plihe hriphrip ŋupe ŋaiye pa yeteke e kin. Pe ŋoihmbwaip mane ŋam ka huhwai.

<sup>29</sup> Pa hriphrip yamba e kin tu e to yip, detale, ŋoihmbwaip yip lalme teŋeime Lahmborenge. Pa yahra e naŋ lenge mitiŋ ŋaiye ŋahilyeh ta e Epafroditus.

<sup>30</sup> Detale, sehei kin de ka ole e oto wah tikin Kraiŋ, ŋupe ŋaiye kin nungwisme ŋam ŋai e ŋai e, ŋaiye yip yukur tatame pa yende. Detale, yip yarp wohe.

### 3

*Ki ŋai embere ŋaiye miye tuweinge ŋoihmbwaip tinge ka teŋeime Kraiŋ*

<sup>1</sup> Lenge to tatai ŋam, wusyep ŋam da mi e nom, ŋam da mininge tu e le e, pa yurp hriphrip me Lahmborenge. ŋam yukur gwarng e ŋaiye ma plihe mininge wusyep e e kom ŋam sisyeme nange wusyep e e se ka ungwisme yip enge yip tupwaihme, ŋaimune ŋaiye ka ende yumbune bilip yip.

<sup>2</sup> Njohme lenge lahmende najiye tinge yende nai e nai e tetehei pupwa. Tinge ta e njumbwat telpei. Lenge miye uku tinge yisande najiye pa yotombo wahri hi tu e lenge Juta no, pa yurp bwore bwarme najiye Got ka amba e yip.

<sup>3</sup> Yanjah najiye yotombo wahri pe, yukur ka ende poi ya tuhur tu e talah tikin Got, pakai. Yohe Yirise tikin Got njende poi mahra e nanj tikin Got, topo e poi hriphrip najiye Krai Jisas kin njende poi tahar talah tikin Got. Ta e luku pe, yanjah najiye yotombo wahri si mi e ko. Prepwan najiye ya manja e njohmbwaip poi mil me nai e nai e tetehei tikin wahri wicher .

<sup>4</sup> Yusyunde! Najiye nai e nai e tikin wahri wicher najiye ki tatame ka ungwisme poi pe, nam tatame ma murp bwore pe, nam mengelyembe lenge miye najiye hriphrip me nai e nai e najiye tinge yende me wahri tinge.

<sup>5</sup> Njupe najiye nam sande ende supule pe, tinge yotombo wahri nam. Nam miye Israel, topo e nam bamtihei tikin Benjamin. Nam Hibru, topo e lenge yai mam nam tinge Hibru. Nye nyermbe nam gwande wusyep erneme tikin Moses. Detale, somohon nam Farisi ende.

<sup>6</sup> Nam mende wah nihe najiye lenge miye tuweinge lalme ka junde wusyep erneme pe, luku nam mende yumbune lenge miye tuweinge najiye njohmbwaip tinge tenjeime Jisas. Najiye lenge miye tuweinge ka njohyeryembe wusyep erneme tikin Moses no, ka yiyar e najimune najiye nam mende pe, luku nam yukur mende pupwa, pakai.

<sup>7</sup> Somohonme nam n̄oheryembe nange yan̄ah n̄aiye nam mende gwande wusyep er̄neme ki bwore supule. Pe nam mengelyembe lenge mitin̄ sye . Kom tukwini nam si sisyeme Krai pe, yan̄ah somohonme luku n̄aiye nam mende pe, ki pupwa me n̄embep nam.

<sup>8</sup> Nam ma tongor mal Krai pe, nam masme n̄ai e n̄ai e lalme tikin kekep e e. Nam n̄oheryembe ki pupwa yehe supule. Detale, nam mala tongor mil Krai pe, ma murp tuwihme kin.

<sup>9</sup> Tukwini nam tikin Krai pe, n̄ai e n̄ai e luku yukur kin nat gande n̄aiye nam gwande wusyep er̄neme, pakai. Kin nat gande n̄ohimbwaip nam n̄aiye tejeime Krai. Ta e luku pe, Got galme nam miye bwore bwarme.

<sup>10</sup> Nam de ma sisyeme Krai, topo e bongol kin n̄aiye kin nule no, kin plihe tahar. Nam de ma motop Krai mamba e nihe syohe, topo e mule tu e n̄aiye kin nule.

<sup>11</sup> N̄aiye n̄ohimbwaip nam ka si me n̄ai e n̄ai e luku pe, nam n̄oheryembe nange n̄aiye ma mule pe, Got ka plihe ahra e nam.

*Poi ya gwertenge marnge mi gwere wutu kin*

<sup>12</sup> Nam yukur n̄oheryembe nange nam si bwore ta e Krai no, nam miye bwore bwarme, pakai. Nye nyermbe nam mende wah nihe n̄aiye ma gunde nasande tikin Krai. Tehei kin ta e le e, Krai Jisas kin nalan̄atme nam n̄aiye nam kitikin.

<sup>13</sup> Nam n̄ohmeryembe nange nam yukur bwore bwarme ta e Krai. Kom ki n̄ahilyeh ta e miye n̄aiye gertetenge susungurh pe, yukur ka se plihe bep tekeme, pakai. Kut kin n̄embep dilndil sai yan̄ah

ņaiye kin gertetenge na gere wutu kin no, ka se amba e yitini. Ki ņahilyeh ta e ņaiye ņam yukur ņoihmeryembe ņaimune ņaiye somohon ņam mende.

<sup>14</sup> Ta e luku pe, ņam mende wah nihe ņaiye ma gwertetenge marnge mil gwere wutu kin no, ma mamba e yitini. Got si galme ņam ņaiye ma murp motop kin munuh moihla . Detale, ņam tikin Krais.

<sup>15</sup> Poi lahmende ņaiye ņoihmbwaip poi teņei bongol me Krais pe, ya ņoihmeryembe gunde yaņah ilyeh uku. ņaiye yip sye pa junde yaņah ņoinde pe, Got ka asamb yip pe, ka tus halhale.

<sup>16</sup> Kom poi ya murp mende ņai e ņai e bwore bwore ņaiye somohon poi mende pe, ya murpe gare ņaiye ya mende menge mil mil.

<sup>17</sup> Lenge to tatai ņam, yip pa lalme junde wutu ņam. Topo e yip pa junde ņoihmbwaip bwore lenge miye tuweinge ņaiye jande ņoihmbwaip poi.

<sup>18</sup> Detale, somohon ņam si mana yip ni wula wula, kom tukwini ņam mana yip topo e ņembep pinip ņam. Lenge mitiņ wula wula tinge jande yaņah ņaiye yende wachaihme wah ņaiye Krais ņende no, kin nule nanah loutungwarmbe.

<sup>19</sup> Tinge ka yil hel. Detale, tinge jande ņaimune ņaiye wahri tinge ņasande nange ka yende pe, luku ki ta e got tinge kuli. Tinge ņoihyeryembe ņaiye ka yende ņai e ņai e pupwa lalme luku ņaiye tikin kekep e e, topo e tinge hriphrip ņaiye ka yende ņai e ņai e luku no, tinge yukur ka hi e.

<sup>20</sup> Kom poi lenge miye tuweinge tikin Got pe, pakai. Poi lalme miye tuweinge tikin moihla . Poi marp meseperhme Lahmborenge Jisas Krais ņaiye

ka osme moihla ote guh no, ka amba poi enge e unuh.

<sup>21</sup> Tehei kin ta e le e, ηai e ηai e lalme ka yurp tuwihme kin ilyeh. Bongol ηembere kin ηaiye ka ende ηai e ηai e lalme ka si tuwihme kin pe, ka bunjenge wahri poi ηaiye mamba e nihe syohe el tu e wahri kitikin ηaiye yirise supule.

## 4

*Nye nyermbe yip pa lalme hriphrip me Lahmborenge*

<sup>1</sup> Lenge to tatai ηam, ηam mende nihararme yip, topo e ηam masande ma meteke e yip, topo e ηam mahra e nan yip. Yip pasam yip tip ηaiye yip bwore mi supule pe, luku ki yitini bwore ηaiye wah nihe ηaiye ηam mende me yip. Pa jin bongole junde Lahmborenge tu e ηaiye ηam si mana yip.

<sup>2</sup> ηam mana yip hindi Yuodia topo e Sintike ηaiye pa hindi yusme tuhwar no, pa hindi ηoihmbwaip ilyeh. Detale, yip tikin Lahmborenge.

<sup>3</sup> O nin Sisigus, wahilyeh ηam, ηam misilih nin, tatame ηaiye na ungwis lenge tuweinge hoi uku no, ka hindi ηoihmbwaip ilyeh. Detale, tinge hindi jan bongol yotop ηam ηaiye poi lalme malaηatme wusyep mise. Klemen ηotop lenge wahilyeh ηam sye, tinge topo e yende wah yotop poi. Nan tinge si ηanar nato tup laip.

<sup>4</sup> Nye nyermbe yip pa lalme hriphrip me Lahmborenge. Ma plihe mininge na, yip lalme pa hriphrip!

<sup>5</sup> Pa syumbe yurp ηumwaiye yisambe yip yil lenge mitiη lalme no, ka yeteke e yarp bwore yip uku. Noiheryembe, Lahmborenge sehei ka ot.

<sup>6</sup> Prepwan ηaiye pa ηoiheryembe wula wula. Kut yininge wusyep yisilihme Got ηaiye ka ungwisme yip ηaimune ηaiye yip sehei e. Njupe ηaiye pa yisilihme Got me ηainde pe, yukur pa ηoihsipe ηaiye pa yininge wusyep yirisukwarme kin me ηai e ηai e lalme ηaiye kin yal yip.

<sup>7</sup> Naiye pa yende tu e luku pe, Got ka ende ηoihmbwaip yip ka si ηumwaiye pe, ηoihmbwaip ηumwaiye kin nengelyembe ηoiheryembe yip. Njoihmbwaip ηumwaiye kin ka bepeteme ηoihmbwaip yip, topo e ηoiheryembe yip, ηupe ηaiye pa tongor yil Krai Jisas.

<sup>8</sup> Ta e luku pe, ηam mala mininge wusyep yuwo ηam sye milme yip. Lenge to tatai ηam, nye nyermbe pa ηoiheryembe wula wula me ηaimune ηaiye ki bwore mise, topo e pa yende ηai e ηai e bwore ηaiye yahra e naη tiki Got. Nai e ηai e luku pe, ki bwore bwarme. Pa ηoiheryembe ηaimune ηaiye bwore prihe, topo e bwore yilihe, topo e mi supule. Pa junde yanah ηaiye lenge miye tuweinge sisyeme nange luku ki ηembere nal ηembep tiki Got.

<sup>9</sup> Ta e luku pe, yende junde ηaimune ηaiye ηam si mana yip, topo e ηam si yal yip. Pa yende junde wusyep ηaiye ηam si mana yip, topo e yende junde ηaimune ηaiye yip si yeteke e ηam mende. Ta e luku pe, Got tiki ηoihmbwaip ηumwaiye ka orp topo me yip.

*Pol hriphrip me lenge Kristen ηaiye yungwisme kin ηai e ηai e*

<sup>10</sup> Nam mahra e naη Lahmborenge pe, ηam hriphrip ηaiye yip pasam ηam nange yip pa plihe

yungwisme nam. Nye nyermbe yip niohyeryembe nam, kom tukwini yip si yahai e nahwikin naiye pa yungwis nam nai topo e wuhyau.

<sup>11</sup> Wusyep naiye nam manange le e pe, nam yukur manange wusyep bongol nange nam sehei e nainde, pakai. Nam si sisyeme yanah naiye ma murp numwaiye, topo me naimune naiye nam si tatame.

<sup>12</sup> Njupe naiye nam marp naipwa ni, lakai nam tatame nai e nai e pe, nam syumbe marp numwaiye. Nam si sisyeme yanah naiye ma murp numwaiye njupe naiye nam tatame nai naiye ma mono, lakai nimbot pwambe. Topo e naiye nam tatame nai e nai e wula wula, lakai nam sehei e e nai e nai e. Nai e nai e tetehei lalme luku ki tatame naiye ka otme nam, kom nam syumbe marp topo e niohmbwaip numwaiye.

<sup>13</sup> Kraisi pwale bongol naiye ma murp bwore numwaiye, njupe naiye njupe bwore, lakai njupe pupwa naiye ka ot me nam.

<sup>14</sup> Kom ki bwore supule naiye yip yungwisme nam njupe naiye nam sehei me wuhyau topo e nai.

<sup>15</sup> Yip lenge miye tuweinge naiye yarp Filipai, yip si sisyeme somohon nendehiyeh naiye nam manange malanahatme wusyep mise gwan iki. Njupe naiye nam masme provins Masedonia pe, yip sios ilyeh iki, yip yungwis nam wuhyau.

<sup>16</sup> Topo e njupe naiye nam marp moi embere Tesalonaika pe, yip plihe yungwis nam wuhyau, topo e nai e nai e ni hoi.

<sup>17</sup> Bwore kin ki ta e le e, nam yukur misilih yip naiye pa pule nai e nai e, pakai. Kom nam masande

ñaiye pa yamba e ñoihmbwaip bwore ñaiye pa yiyar e ñai e ñai e pe, Got ka yul yip yitini bwore.

<sup>18</sup> Ta e luku pe, tukwini ñam tatame ñai e ñai e wula wula sekete. Epafroditus nenge ñai e ñai e ñam ñaiye yip yaña e pe, kin nenge natme ñam. Pe ki ta e ofa ñaiye naihe sengehrepe mi supule nalme Got. Got se ka amba e ofa luku pe, ka hriphrip.

<sup>19</sup> Got ñam pe, ki nalanatme ñai e ñai e bwore bwore me poi, miye tuweinge tikin Krai Jisas. Ta e luku pe, kin se ka ikil unuh hla me ñaimune ñaiye poi sehei e.

<sup>20</sup> Ya mahra e mirisukwarme Got Yai poi nyermbe nyermbe! Bwore mise.

*Pol ñanange wusyep nalanasember lenge Filipai*

<sup>21</sup> Ñam member ñau bwore malme yip lenge miye tuweinge ilyeh ilyeh tikin Krai. Lenge to tatai sye ñaiye yotop ñam yarp e e, tinge topo e yember ñau bwore tinge yalme yip.

<sup>22</sup> Lenge miye tuweinge tikin Got ñaiye yarp e e yember ñau bwore tinge yalme yip. Topo e lenge Kristen miye tuweinge ñaiye yende wah yarp yokoh Sisa plihe yember ñau bwore yalme yip.

<sup>23</sup> Ñoihmbwaip ñumwaiye tikin Lahmborenge Jisas Krai ka si topo me yip lalme.



**Wusyep Bwore tikin Got**  
**The New Testament in the Urat language of Papua New**  
**Guinea**

**Nupela Testamen long tok ples Urat long Niugini**

copyright © 2016 Wycliffe Bible Translators, Inc.

Language: Urat

Dialect: Yehre

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-12-22

---

PDF generated using Haiola and XeLaTeX on 18 Apr 2025 from source files dated 31 Aug 2023

b1232770-1b46-5621-8804-a5f6c65fee26